



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SETSWANA PUO YA GAE (HL)

PAMPIRI YA BORARO (P3)

2022

KAEDI YA GO TSHWAYA

MADUO: 100

Memorantamo o, o na le ditsebe di le 15.

KAROLO YA A: RUBORIKI YA GO TSHWAYA TLHAMO – PUO YA GAE [50 MADUO]

ELA TLHOKO:

- Dirisa ruboriki ka gale fa o tshwaya tlhamo ya boithamedi (Pampiri 3 KAROLO YA A).
- Maduo a go tloga go 0–50 a arogantswe ka maemo a le 5 a ditlhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le ditlhaloso.
- Kagego ga e angwe ke karologantsho ya maemo a a kwa godimo le maemo a a kwa tlase.

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG LE IPAANKANYO (Tsibogelo le dikakanyo) Thulaganyo ya dikakanyo tsa ipaakanyo Temogo ya maitthomo, baamogedi, le bokao	Maemo a kwa godimo	28–30 -Tsibogelo ya maemo a a kwa godimo go gaisa a a tlwaelegileng -Dikakanyo tse di bothale, tse di gwetlhang mogopolo le go supa kgolo -E rulagantswe le go lomagana ka maemo a dinaledi go tsenyeletsa matseno, mmele le bokhutlo	22–24 -Tsibogelo e e tlhamilweng ka matsetseleko -Dikakanyo tse di maleba tota gape di kgaatlhisa le bosupi jwa kgolo -E rulagantswe bontle thata le go lomagana go tsenyeletsa matseno, mmele le bokhutlo	16–18 -Tsibogelo e e itumedisang -Dikakanyo di lomagane mo go thaloganyegang e bile go kgotsofatsa -E rulagane le go lomagana mo go thaloganyegang go tsenyeletsa matseno, mmele le bokhutlo	10–12 -Tsibogelo e e sa tlhomamang -Dikakanyo tse di sa thapang e bile di se na boithamedi -Bosupi jo bonnye jwa thulaganyo le tomagano	4–6 -Tsibogelo e e seng maleba gotlhelele -Dikakanyo tse di tlhakatlhakaneng le go tlhoka tsepamo, di gasagane le go boelediwa -Ga e a rulagana e bile ga e a lomagana
		30 MADUO	25–27 -Tsibogelo e e manontlhotlho mme e tlhaela ditlhokego tse di tsibosang tsa tlhamo ya maemo a dinaledi -Dikakanyo tse di bothale e bile di supa kgolo -E rulagantswe ka matsetseleko le ka tomagano go tsenyeletsa matseno, mmele le bokhutlo	19–21 -Tsibogelo e e tlhamilweng ka matsetseleko -Dikakanyo tse di maleba gape di kgaatlhisa -E rulagantswe bontle le go lomagana go tsenyeletsa matseno, mmele le bokhutlo	13–15 -Tsibogelo e e itumedisang mme e latlhegelwa ke go thaloganyesega -Dikakanyo di lomagane le go kgotsofatsa -Maemo a a rileng a thulaganyo le tomagano go tsenyeletsa matseno, mmele le bokhutlo	7–9 -Bogolo jwa tsibogelo ga bo maleba -Dikakanyo tse di sa lomaganeng e bile di tlhakatlhakane -Ga go na bosupi jwa thulaganyo le tomagano

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
PUO, SETAELE LE GO TSELEGANYA/ RUNA Segalo, rejisetara, setaele, tlotlofoko tse di maleba go maikaelelo/ ditlamorago le bokao Tlhopho ya mafoko Tiriso ya puo le melawana, tiriso ya matshwao a puiso, thutapuo le mopeleto 15 MADUO	Maemo a kwa godimo	14–15 -Segalo, rejisetara, setaele le tlotlofoko di maleba thatathata le maikaelelo, baamogedi le bokao ka maemo a a kwa godimo -Puo e e tlhololo, e itumedisa ka maemo a a tthaolegileng -Segalo se se nang le maikaelelo a a tlhotlheletsang -Ga go na diphoso tsa thutapuo le tsa mopeleto ka gotlhe -Tlotlofoko e e manontlhotlho ya maemo a a kwa godimo	11–12 -Segalo, rejisetara, setaele le tlotlofoko di maleba thata le maikaelelo, baamogedi le bokao -Puo e nonofile le tiriso ya segalo e maleba -Segalo se se maleba se dirisitswe ka tsepamo -Bogolo jwa yona ga bo na diphoso tsa thutapuo le mopeleto -Totlofoko e tlhamilwe ka matsetseleko	8–9 -Segalo, rejisetara, setaele le tlotlofoko di maleba le maikaelelo, baamogedi le bokao -Tiriso e e maleba ya puo go thagisa bokao -Segalo se maleba -Diphoso tsa thutapuo le mopeleto di dinnye -Tlotlofoko e lekanyeditswe	5–6 -Segalo, rejisetara, setaele le tlotlofoko bomaleba jwa tsona bo kwa tlase ga maikaelelo, baamogedi le bokao -Tiriso ya puo ke ya maemo a motheo thata -Segalo, tlhopho le tiriso ya mafoko e e seng maleba -Diphoso tsa thutapuo le mopeleto di dintsi -Tlotlofoko e lekanyeditswe thata	0–3 -Segalo, rejisetara, setaele le tlotlofoko ga di maleba le maikaelelo, baamogedi le bokao -Puo ga e tlhaloganyesege -Segalo ga se maleba gotlhelele -Diphoso tsa mopeleto di dintsi -Tlotlofoko e nnye thata mme e dira gore go nne thata go tlhaloganya
		Maemo a kwa tlase	13 -Puo e e matsetseleko ya tlhotlheletso e e nonofileng mo segalong -Ga e na diphoso tsa thutapuo le tsa mopeleto ka gotlhe -Tlotlofoko e tlhamilwe ka manontlhotlho	10 -Puo e e ngokang e bile e nonofile ka kakaretso -Diphoso tse di mmalwa tsa thutapuo le mopeleto -Tlotlofoko e tlhamilwe bontle	7 -Tiriso ya puo e e mo magareng, ka go tlhoka tsepamo -Diphoso tsa thutapuo le mopeleto di lekanyeditswe -Tlotlofoko e lekanyeditswe	4 -Tiriso e e bokoa ya puo -Diphoso tsa thutapuo le mopeleto di dintsi -Tlotlofoko e e lekanyeditsweng tota
KAGEGO Diponagalo tsa setlhangwa Kago ya ditemana le go thangwa ga dipolelo 5 MADUO		5 -Kago e e manontlhotlho ya setlhogo -Dipolelo, ditemana di bopilwe bontlentle -Dintlhana tse di tthaolegileng	4 -Kago e e latelanang ya dintlhana -Dipolelo, ditemana, di latelana, di farologana -Dintlhana tse di lomaganeng	3 -Kago ya dintlhana tse di maleba -Dipolelo, ditemana tse di bopilweng sentle -Tlhamo e sa ntse e na le tlhaloganyo	2 -Go na le dintlha dingwe tsa kago tse di amogelesegang -Dipolelo le ditemana di fosagetse -Tlhamo e na le tlhaloganyo e nnye	0–1 -Dintlha tse di bothokwa tsa kago di a tlhaela -Dipolelo le ditemana di fosagetse -Tlhamo e tlhoka tlhaloganyo

RUBORIKI YA TLHATLHOBO YA SETLHANGWA SA TIRISANO – PUO YA GAE [25 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tihaelang	Ga a fitlhelela
<p>DITENG, THULAGANYO LE SEBOPEGO</p> <p>Tsibogelo le dikakanyo Kokoanyo ya dikakanyo gore go rulaganngwe Maitlhommo, baamogedi, diponagalo/melawana le tiriso</p> <p>MADUO 15</p>	<p>13–15</p> <p>-Tsibogelo ya maemo a a kwa godimo go gaisa se se lebeletsweng ka gale -Dikakanyo tse di botlhale, tse di gamogileng di totile setlhogo -Diteng le dikakanyo di lomagane bontle -Kitso e e tseneletseng ya diponagalo tsa mofuta wa setlhangwa -Tlhaloso ya maemo a a kwa godimo e bile dintlha tsotlhe di tshegetsang setlhogo -Sebopego se se maleba gape se nepagetse</p>	<p>10–12</p> <p>-Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane -Dintlha tse di thadisitsweng sentle gape di tshegetsang setlhogo -Sebopego se se lolameng ka diphoso tse dinnye</p>	<p>7–9</p> <p>-Tsibogelo e e lekaneng e e bontshang kitso ya diponagalo tsa mofuta wa setlhangwa -Ga e a tsepama ka gotlhe – go na le go eta e fapoga mo setlhogong -Diteng le dikakanyo di lomagane mo go utlwalang -Dintlha dingwe di tshegetsang setlhogo -Sebopego se se maleba ka kakaretso fela go na le go sa nepagale go go rileng</p>	<p>4–6</p> <p>-Tsibogelo e e supang kitso e e kwa tlase ya diponagalo tsa mofuta wa setlhangwa -Go na le tsepamo e e rileng mme kwalo e fapogile setlhogo -Diteng le dikakanyo ga di lomagane ka gale. -Ke dintlha tse di mmalwa tse di tshegetsang setlhogo -Tiriso e e phatlaletseng ya melawana ya sebopego le go tlodisiwa matlho go go tseneletseng</p>	<p>0–3</p> <p>-Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego</p>
<p>PUO, SETAELE LE GO TSELEGANYA/RUNA</p> <p>Segalo, rejisetara, setaele, maitlhommo, baamogedi le tiriso Tiriso ya puo le melawana Tlhopho ya mafoko Matshwao a puo le mopeleto</p> <p>MADUO 10</p>	<p>9–10</p> <p>-Segalo, rejisetara, setaele le tlotlofoko tse di maleba thatathata le maitlhommo, baamogedi le tiriso -Thutapuo e nepagetse e bile e agegile sentle -Puo e e se nang diphoso gotlhelele -Tlotlofoko ke ya maemo a a kwa godimo.</p>	<p>7–8</p> <p>-Segalo, rejisetara, setaele le tlotlofoko tse di maleba thata le maitlhommo, baamogedi le tiriso -Thutapuo e nepagetse ka kakaretso e bile e agegile sentle -Bogolo ga go na diphoso mo puong -Tlotlofoko e e siameng tota</p>	<p>5–6</p> <p>-Segalo, rejisetara, setaele le tlotlofoko di maleba le maitlhommo, baamogedi le tiriso -Go diphoso dingwe tsa thutapuo -Diphoso tsa puo ga di kgoreletse bokao -Tlotlofoko e e lekaneng</p>	<p>3–4</p> <p>-Segalo, rejisetara, setaele le tlotlofoko di fosagetse go le gonnye go maitlhommo, baamogedi le tiriso -Thutapuo e e sa lolamang ka diphoso tse dintsi -Diphoso tsa puo di kgoreletse bokao -Tlotlofoko e e lekanyeditsweng</p>	<p>0–2</p> <p>-Segalo, rejisetara, setaele, tlotlofoko ga di tsamaisane le maitlhommo, baamogedi le tiriso -E phephetha ka diphoso gape e tlhakathakane - Bokao bo kgoreletsegile tota -Tlotlofoko ga e maleba go maitlhommo</p>

KAROLO YA A: TLHAMO**POTSO 1****Mokgwa wa go tshwaya tiro ya boithamedi:**

- Tlhamo ga e a tshwanela go tlhoka sesupo sa gore e buisitswe e bile e abetswe maduo jaaka go tshwanetse. Maduo a a abetsweng tlhamo a tshwanetse gore a nne le sesupo sa gore a fitlheletswe jang.
- Tlhamo ga e tshwane le tshobokanyo ka tekanyetso e e gagametseng ya mafoko, yona ke tiro ya boithamedi. Fa tlhamo e elela ka boithamedi le go ngoka mmuisi, ga go a siama go tota mogopolo mo boleeleng jwa yona fela mme go itlhokomolosiwa diteng.
- Molawana o o tlhamaletseng ke go re:
 - Go se nne le dikotlhao tsa tlaleletso tse di newang gonne ruboriki e na le dikotlhao ka bo yona.

1.1 Tlhamo ya kanelo

Mofuta o wa tlhamo, o anela ka ga sengwe kgotsa tiragalo e e fetileng. Tlhamo ya mofuta o e ka kwalwa go tswa mo matlhakoreng a a farologaneng.

Sekao sa setlhogo: **Ga ke ise ke itumele jaana mo botshelong jwa me.**

Dintlha tse di latelang di tshwanetse go elwa tlhoko fa go tshwaiwa tlhamo ya kanelo.

- Ditiragalo di tshwanetse go latelana sentle, mme mmuisi a dumele (go dumele) gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe
- Go tshwanetse ga elwa tlhoko gore mofuta o wa tlhamo o a anela.
- Bokhutlo e nne jo bo kgodisang.

Se se lebeleletsweng mo motlhatlhojweng:

- Setlhogo se a itlhophetseng sona.
- Tlhaloso ya setlhogo.
- Tlhagiso ya tiragalo e e tlisitseng boitumelo
- Tlhagiso ya letlha le nako ya tiragalo.
- Tlhagiso ya dintlha tse di tlhagisang boitumelo jo bo bonweng.
- Tlhagiso ya maikutlo a a fitlheletsweng ka boitumelo joo.
- Tshobokanyo ya dintlha le go supa maikutlo a gagwe.

[50]

1.2 Tlhamo ya kanelo

Mofuta o wa tlhamo, o anela ka sengwe kgotsa tiragalo e e fetileng. Tlhamo ya mofuta o e ka kwalwa go tswa mo matlhakoreng a a farologaneng.

Sekao sa setlhogo: **Ruri, ka lemoga gore sedikwa-ke-ntšwapedi ga se thata.**

Dintlha tse di latelang di tshwanetse go elwa tlhoko fa go tshwaiwa tlhamo ya kanelo.

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetse ga elwa tlhoko gore mofuta o wa tlhamo o a anela.

Se se lebeleletsweng mo motlhatlhojweng:

- Setlhogo se a itlhophetseng sona.
- Tlhaloso ya setlhogo
- A tlhagise ditiragalo tse di senolang bonnete jwa setlhogo se.
- Tlhagiso ya botlhofo le mosola wa go tshwaraganela tiro.
- Tlhagiso ya thotloetso ya go tshwaraganela tiro.
- Bokhutlo jo bo kgodisang.

[50]

1.3 Tlhamo ya tlhaloso

Mokwadi mo tlhamong e, o tlhalosa sengwe ka ga mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Ijoo, ba tla ba nna boleele bosigo joo!**

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go bopa setshwantsho ka mafoko a a filweng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo, kutlo, go tlhalosa mofuta o wa tlhamo sentle.
- Puo ya botshwantshi e dirisiwe ka boitshimololeli go tiisa kgang/ tiragalo.
- Go elwe tlhoko gore mofuta o wa tlhamo o a tlhalosa.
- Motlhatlhojwa a bontshe fa a na le maitemogelo mo setlhogong se.

Se se lebeleletsweng mo motlhatlhojweng:

- Setlhogo se a itlhophetseng sona.
- Tlhaloso ya setlhogo.
- A tlhagise letlha le setlha sa bosigo joo.
- Tlhagiso ya ditiragalo tse di diragetseng ka bosigo joo.
- Tlhagiso ya se se ka tswang se lelefaditse bosigo joo.
- Tlhagiso ya ditlamorago tsa tiragalo ya bosigo joo.
- Bokhutlo e nne jo bo kgodisang.

[50]**1.4 Tlhamo ya maitlhamo**

Mo mofuteng o wa tlhamo motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Sekao sa setlhogo: **Fa nka huma, nka...**

Dintlha tse di latelang di tshwanetse go elwa tlhoko fa go tshwaiwa tlhamo ya maitlhamo:

- Tlhamo ya maitlhamo e tseye letlhakore.
- Maikutlo a nne le seabe sa botlhokwa.
- Karolo e kgolo mo tthamong e a tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.
- Tlhamo e e kwalwe ka maemo a kgonego kgotsa a pakatlang.
- Bokhutlo e nne jo bo kgodisang.

Se se lebeleletsweng mo motlhatlhojweng:

- Setlhogo se a itlhophetseng sona.
- Tlhaloso ya setlhogo.
- A tlhagise mofuta wa khumo e a batlang go e bona.
- A tlhagise maikaelelo a gagwe ka khumo eo.
- A tlhagise ditlamorago le diphetogo tse a ka di tlholang ka khumo eo.
- Bokhutlo e nne jo bo kgodisang.

[50]**1.5 Tlhamo e e sa tseyeng letlhakore**

Mofuta o wa tlhamo o tlhagisa ngangisano e e lekalekanang go emela kgotsa go nna kgatlhanong le sengwe se setlhogo se buang ka ga sona, kemo ya mokwadi e tlhagisiwa fela kwa bokhutlong.

Sekao sa setlhogo: **A go tsena sekolo go lebisa kwa katlegong ya botshelo?**

Dintlha tse di latelang di tshwanetse go elwa tlhoko fa go tshwaiwa tlhamo e e sa tseyeng letlhakore.

- Tlhamo e itshupe ka go lekalekana, e se tseye letlhakore.
- E tlhagise matlhakore a mabedi a a farologaneng a ngangisano e e rileng.
- E lebelele kemo ya botlhe, fela mokwadi a itebelele ka dinako dingwe
- Puo e nne e e tsosang maikutlo.
- Ngangisano e dire tlhaloganyo e e utlwalang
- Bokhutlo bo supe kemo ya mokwadi.

Se se lebeletsweng mo motlhatlhojweng:

- Setlhogo se a itlhophetseng sona.
- Tlhaloso ya setlhogo.
- A tlhagise maikutlo a gagwe ka go atlega le go se atlege le fa a tsene sekolo.
- A tlhagise ditsela tsa go atlega fa go tsenwe sekolo.
- A tlhagise ditlamorago tsa go atlega le go se atlege.
- Tlhamo e tlhagise se se ka diriwang fa go se na katlego ntswa go tsenwe sekolo.
- Tlhamo e tlhagise se se ka diriwang go rotloetsa katlego fa go tsenwe sekolo.
- A supe maikutlo le ntlhakemo ya gagwe kwa bokhutlong.

[50]

1.6 Tlhamo ya ngangisano

Mo tthamong e, motlhatlhojwa o tlhagisa kakanyo, ntlhakemo mme a nganga ka maitlhommo a go dibela kemo ya gagwe.

Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tlhagisa letlhakore le le lengwe mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo: **Tlhabo ya letsatsi ke boitumelo mo botshelong jwa mongwe le mongwe. Dumela kgotsa o ganetse.**

Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:

- Motlhatlhojwa a simolole ka go tlhagisa ntlhakemo ya gagwe go bontsha boitshimolole.
- A neye mefutafuta ya dingangisano go tshegetsa ntlhakemo ya gagwe mme a tlhalose se.
- Tlhamo e tlhagisa letlhakore le le lengwe mme dikakanyo di tlhagisiwa ka kgatelelo e kgolo.
- Go dirisiwe mefuta e e farologaneng ya didiriswa tsa puo le dithekeniki tsa tiriso ya puo.
- Puo e dirisiwe ka maikutlo mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhaloganyegang mme e pateletse mmuisi go dumelana le tse di tlhagisitsweng.
- Tlhamo ya mofuta o, e kwalwe ka pakajaanong.

Se se lebeletsweng mo motlhatlojweng:

- Setlhogo se a itlhophetseng sona.
- Tlhaloso ya setlhogo.
- Tlhamo e tseye letlhakore la go dumela kgotsa go ganetsa.
- Tlhagiso ya ntlhakemo le go e dibela ka bosupi jo bo rileng.
- A tlhagise molemo le ditlamorago tsa ntlhakemo ya gagwe.
- Tlhagiso ya dintlha tsa ngangisano tse di tshegetsang ntlhakemo ya gagwe ka setlhogo.
- Tlhagiso ya tshikinyo ya se se ka dirwang go tshegetsang ntlhakemo ya gagwe.

[50]**1.7 Ela tlhoko:**

Tshedimosetso e e latelang e dirisiwe go tshwaya potso ya setshwantsho e bong, 1.7.1 le 1.7.2, e e ka nnang tlhamo ya kanelo, tlhaloso kgotsa ya ngangisano.

1.7.1 Tlhamo ya kanelo

le

1.7.2 Mofuta o wa tlhamo, o anela ka sengwe kgotsa tiragalo e e fetileng. Tlhamo ya mofuta o e ka kwalwa go tswa mo matlhakoreng a a farologaneng.

Sekao sa setlhogo: **Setshwantsho.**

Dintlha tse di latelang di tshwanetse go elwa tlhoko fa go tshwaiwa tlhamo ya kanelo.

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe
- Go tshwanetswe go elwe tlhoko gore mofuta o wa tlhamo o a anela

Tlhamo ya tlhaloso

Mokwadi mo tllhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Setshwantsho.**

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlojwa o tshwanetse go bopa setshwantsho ka mafoko a a filweng.

- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo, kutlo, go tthalosa mofuta o wa tlhamo sentle.
- Puo ya botshwantshi e dirisiwe ka boitshimololeli go tiisa kgang/ tiragalo.
- Motlhatlhojwa a bontshe fa a na le maitemogelo mo setshwantshong se.

Se se lebeleletsweng go tswa mo motlhatlhojweng:

- Setlhogo se se nyalanang le setshwantsho se a itlhopetseng sona.
- Tlhaloso ya setlhogo.
- A tlhagise mabaka a a tlholang ditiragalo tse di amanang le se se tlhagelelang mo setshwantshong.
- A tlhagise ditlamorago tsa maemo a a tlhagelelang mo setshwantshong.
- Thotloetso go tila kgotsa go diragatsa se se tlhagelelang mo setshwantshong.
- Bokhutlo bo supe maikutlo a gagwe.

[50]

Tlhamo ya ngangisano

Mo tlhamong e, motlhatlhojwa o tlhagisa kakanyo, ntlhakemo, mme o nganga ka maitlhamo a go dibela kemo ya gagwe.

Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tlhagisa letlhakore le le lengwe, mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo: **Setshwantsho**

Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:

- Motlhatlhojwa a simolole ka go tlhagisa ntlhakemo ya gagwe go bontsha boitshimololeli.
- A neye mefutafuta ya dingangisano go tshegetsa ntlhakemo ya gagwe, mme a tthalose se.
- Tlhamo e tlhagise letlhakore le le lengwe, mme dikakanyo di tlhagisiwe ka kgatelelo e kgolo. Go dirisiwe mofuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo, mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhaloganyegang e bile e pateletsa mmuisi go dumelana le tse di tlhagisitsweng.
- Tlhamo ya mofuta o e kwalwe ka pakajaanong.

Se se lebeleletsweng mo batlhatlhojweng:

- A kwale ka ga setlhogo se a itlhophetseng sona.
- A tthalose setlhogo le tlhagiso ya ntlhakemo ya gagwe, a e dibele ka bosupi jo bo rileng.

- A tlhagise dikao tsa ditiro tse di supang le go tshegetsang ntlhakemo ya gagwe.
- A tlhagise melemo le ditlamorago tsa ntlhakemo ya gagwe.
- A tlhagise dintlha tsa ngangisano tse di tshegetsang ntlhakemo ya gagwe.
- Kwa bokhutlong a tlhagise tshikinyo ya se se ka diriwang go tshegetsang ntlhakemo ya gagwe.

[50]

KAROLO YA B: DITLHANGWA TSA TIRISANO**POTSO 2****2.1 LEKWALO LA BOTSALANO**

Lekwalo la botsalano ke le le kwalelwang motho mongwe yo o rileng e ka nna wa losika kgotsa tsala go tlhaeletsana jaaka go leboga, itsise, kopa, keleletsomasego jalojalo. Palo ya mafoko a lona e nne 180-200 diteng fela.

Dintlha tse di tshwanetseng go elwa tlhoko fa go tshwaiwa lekwalo la botsalano:

- Lekwalo le, le le leele, ka lona motlhatlhojwa o buisana le balosika, ditsala le bangwe fela ba a ka neng a itsane nabo.
- Go se ka ga nna le diphoso tsa mofuta ofe mo lekwalong le.
- Motlhatlhojwa a ka ya lolololo ka dikgang tse a batlang go di tlotla.
- A kwale matseno a a ngokang mmuisi go buisa lekwalo le go supa botsalano le motho yo a mo kwalelang.
- Motlhatlhojwa a kwale aterese ya mokwadi fela.

Se se lebeleletsweng go tswa mo motlhatlhojweng:

- Aterese e le nngwe (ya mokwadi).
- A tlhagise letlha le lefelo la dikapeso.
- A tlhagise dithuto tse mogoloatsala ya gagwe a di ithutetseng.
- A tlhagise mofuta wa moletlo o a o tsenetseng.
- A tlhagise ditiragalo tsa kwa moletlong oo.
- A tlhagise tlhotloetso e a e boneng kwa moletlong oo.
- A tlhagise tebogo ya gagwe ka se a itemogetseng sona le maikaelelo a gagwe a go tseletsisa dithuto.
- Bokhutlo e nne jo bo maleba ka se se solofetsweng.

[25]**2.2 LEKWALO LA SEMMUSO**

Lekwalo la semmuso ke le le kwalelwang setheo sengwe se se rileng. Mokwadi o kopa sengwe e ka nna phatlhatiro kgotsa thuso ya mokgwa mongwe: a ka ngongorega, a akgola kgotsa a gomotsa mo maemong a mangwe. Palo ya mafoko a lona e nne 180-200 diteng fela.

Dintlha tse di tshwanetseng go elwa tlhoko fa go tshwaiwa lekwalo la semmuso:

- Lekwalo le, le le khutshwane, le na le dintlhakgolo ka ga se se batliwang kgotsa se se kopiwang, se go ngongoregiwang ka sona, kakgolo kgotsa kgomotso.
- Dithokego tse di farologaneng tsa lekwalo la semmuso di tlhagisiwe ka tlhomamo (popego le setaele).
- Diaterese di nne pedi, ya mokwadi le ya moamogedi.
- Puo e tlhamalale, e lebe kgankgolo e e leng maitlhomamo a gago.
- Le supe bokhutlo jo bo tlhamaletseng mme bo latelwe ke sefane le ditlhakaina tsa mokwadi.

Se se lebeleletsweng go tswa mo motlhatlhojweng:

- Diaterese tse pedi (ya mokwadi le moamogedi).
- Setlhogo sa lekwalo le ditumediso di kwalwe.
- A tlhagise motlha o a isitseng rraagwe ka ona kwa tleliniking.
- Thadiso ya se se tlhodileng go isiwa ga rraagwe kwa tleliniking.
- A thadise kamogelo le thuso e ba e boneng kwa tleliniking.
- A tlhagise mabaka a a dirang gore a akgole tleliniki.
- Bokhutlo e nne jo bo maleba ka se se solofetsweng.
- Tlhagiso ya leina/ditlhakaina le sefane. Dinomoro tsa mogala.

[25]**2.3 PUO**

Puo ke karolo ya botlhokwa ya go fatlhosa. Mo mabakeng a mantsi motho o neelana ka puo mo dikopanong kgotsa meletlong. Puo ya go bua le setšhaba e farologana le fa o bua le setlhotšhwana sa batho. Palo ya mafoko a yona ke 180-200 diteng fela.

Dintlha tse di tshwanetseng go elwa tlhoko fa go tshwaiwa puo:

- Maikaelelo a kopano
- Mofuta wa kopano e o yang go bua kwa go yona.
- Puo e tshwanetse go ngoka bareetsi fa e simololwa.
- Dintlha di tshwanetse go agiwa ka tolamo go tila go phatthalala.
- Mmui a tseye bareetsi ba gagwe tsia.
- Tiriso ya dipolelo tse dikhutshwane ka dikakanyo tse di bonolo.
- Tiriso ya dikao tse di tlwaelegileng.
- Puo e e tlhagisiwang e nne le matseno, mmele le bokhutlo.
- Ditebogo go bareetsi kwa bokhutlong.

Se se lebeleletsweng mo motlhatlhojweng:

- Setlhogo sa puo.
- Ditumediso go bareetsi le ditebogo go ba ba tlileng kopanong.
- Tshimologo e nne maatla e ngoke theetso. E ka nna motlae kgotsa nopo.
- Tlhaloso ya maitlhommo a kopano.
- A tlhagise maitemogelo a bona a ditiro tsa bosenyi mo motseng.
- A tlhagise boseng maleba le ditlamorago tsa go itseela molao mo matsogong.
- A tlhagise ditsela tsa go bega ditiro tsa bosenyi.
- Bokhutlo e nne jo bo maleba.

[25]**2.4 MMUISANO**

Mmuisano ke mokgwa wa tlhaeletsano o o dirisiwang ke batho ba le babedi kgotsa go feta; ba buisana ka ga dikakanyo kgotsa setlhogo sengwe se se rileng. Sebopego sa ona ke sa dipotsotherisano fela ona o dirisiwa gongwe le gongwe ke mongwe le mongwe.

Dintlha tse di tshwanetseng go elwa tlhoko fa go tshwaiwa mmuisano:

- Mmuisano o kwalwa ka mokgwa o moterama a kwalang ka ona.
- Go nna le dibui di le pedi kana go feta.
- Dipolelo tsa dibui di nne dikhutshwane ka dikakanyo tse di bonolo.
- Maina, maemo a tiro kana maikarabelo a loago le a dibui, a tlhagelele sentle.
- Puo le moonono di tsamaelane le ditiragalo.
- Puo e nne e e tlhamaletseng kgotsa e e loileng go tsamaelana le se se buiwang.
- Matshwao a puiso a tsamaelane le puisano.
- Diteng di supe boithamedi, kelelo ya dintlha le go tsamaelana ga ditiragalo.
- Matseno, mmele le bokhutlo di dirisiwe sentle.
- Kgang e bontshe tshimologo, setlhoa le tharabololo.
- Palo ya mafoko a e nne 180–200 diteng fela

Se se lebeletsweng mo motlhatlhojweng:

- Mmuisano o tlhagise dikgwetlho tse di tlisitsweng ke maemo a Covid-19.
- Mmuisano o tote kwelotlase ya ikonomi/itsholelo ya naga ya Aforikaborwa ka nako ya Covid-19.
- Ditsibogelo le dipotso tsa mokwadi le tsala ya gagwe di tote se go buiwang ka ga sona.
- Babuisani ba bue ka maiteko a a ka diriwang go rarabolola bothata jo.
- Mmuisano e nne o o tlhamaletseng ka dikakanyo tse di bonolo.
- Bokhutlo e nne jo bo lebeletsweng.

[25]**2.5 ATHIKELE YA LOKWALODIKGANG**

Athikele ya lokwalodikgang ke karolwana ya lokwalodikgang e batho ba kwalang dikgang dingwe kgotsa ba bega sengwe gore se buisiwe ke botlhe. Palo ya mafoko a lona e nne 180-200 diteng fela.

Dintlha tse di tshwanetseng go elwa tlhoko fa go tshwaiwa athikele ya lokwalodikgang:

- Neelana ka setlhogo se se bonalang sentle o bo o tsenye ditlhogwana tse di tlhaloganyegang sentle.
- Motlhatlhojwa o na le kgololosego ya bobegakgang.
- O patelesega gore kgang ya gagwe e ngoke, mme e sa nyeletse bonnete jwa kgang.
- Simolola ka dintlha tse di botlhokwa thata: mang, jang, leng, kae, goreng le go fitlhelela kae.
- Dintlha di tlhagisiwe ka boripana le ka tsepamo.
- Mokwadi a leke go tlhaeletsana ka mokgwa wa go sa latlhe mooko wa kgang mme o fitlhelela mmuisi.
- Sobokanya ka tsepamo kwa ntle le go fitlha boammaaruri.
- Leina la mmegakgang le tlhagisiwe kwa tshimologong ya athikele.

Se se lebeleletsweng mo motlhatlhojweng:

- Setlhogo e nne se se ngokang, se na le kgogedi.
- Leina la mmegakgang le tlhagisiwe morago ga setlhogo.
- Mo temaneng ya ntlha a sobokanye tiragalo ya kotsi.
- A tlhalose ka fa mokgweetsi a neng a kgweetsa ka teng, kae? leng? le jang?
- A tlhagise maikutlo a gagwe mabapi le mokgwa wa go kgweetsa.
- A tlhagise ditlamorago tsa kgweetso e e seng ka fa molaong/e e botlhaswa.
- A dirise mafoko a a ngokang kgatlhego.
- Bokhutlo e nne jo bo lebeleletsweng.

[25]**2.6 TSA BOTSHELO JWA MOSWI**

Tsa botshelo jwa moswi ke tshedimoseetso e e botlalo fela e le khutshwane ka ga botshelo jwa yo o tlhokafetseng.

Dintlha tse di tshwanetseng go elwa tlhoko fa go tshwaiwa tsa botshelo jwa moswi:

- Neelana ka tshedimoseetso e ntsi ka mo o ka kgonang ka teng fela e nne maleba.
- Tlhagisa tshedimoseetso e e tletseng ka dintlha tse di latelang: leina la moswi (o ka tlhagisa le leina le moswi a tlwaelegileng ka lona), letlha la matsalo, boemo jwa tsalo, batsadi, boagi, dithutego, tiro, seabe mo setšhabeng (fa go tlhokega), kemo ya nyalo (fa a nyetswe/nyetse), bana fa ba le teng, sebakwa sa loso, ba a ba tlogelang kwa morago, kangnyana e badiri le ba lelapa ba tlaa ikgopotsang moswi ka yona, leboko la thoriso la gaabo le mafoko a go robatsa moswi.
- Palo ya mafoko e nne 180–200 diteng fela.

Se se lebeleletsweng mo motlhatlhojweng:

- Setlhogo se nne le maina a moswi ka botlalo.
- Tiriso ya phefotso.
- Leina la moswi le batsadi ba gagwe.
- Maemo a tsalo.
- O tshotswe leng kwa kae?
- Dikolo tse a di tseneng.
- Tlhagisa se se bakileng loso le letlha le a tlhokafetseng ka lona.
- Tlhagisa ka boripana dintlha dingwe ka maitemogelo a moswi ao ba lelapa le ditsala ba ka mo ikgopotsang ka ona.
- Mafoko a go robatsa moswi ka kagiso.
- Leboko la kgotla ya moswi le ka tsenngwa fa go tlhokega.

ELA TLHOKO: Morutwana a kwale ka ga moswi e seng motshedi.

[25]

PALOGOTLHE YA KAROLO YA B:
PALOGOTLHE:

50
100